

սպասեն գերեհան Հայերու 1, որ գան և արծաթով
գնելով ազատեն զիրենք այդ տառապանաց վիճա-
կէն, և տանին իրենց ընտանեաց մօտ:

Բագուի թուր Մանգու-Ղէմիր, իւր որդւոց մէջ
կը բաժանէ թերակղզիս. և Օրան-Ղէմիրի ժա-
ռանգութիւն կ'ինկնայ Սուրխաթ քաղաքէն մինչև
Թէպոսիոյ ափունքը 1266ին: Սուրխաթ կը լինի
մայրաքաղաք Օրան-Ղէմիրի. և սորա իշխանութեան
միջոց կը փոխուի նորա անունը ի Ղրիմ կամ Քը-
ռըմ. և որովհետև ժամանակ անցնելէն վերջ, բո-
լոր թերակղզւոյն անուն կը դառնայ Քըռըմ, որ-
պէս զի մասը բոլորէն զանազանի, Հին մակդի-
րը կը դնեն քաղաքին վերայ, կոչելով Օրան-Ղէ-
միրի մայրաքաղաքը Հին կամ Էսկի-Վըռըմ:
Ուշադրութեան արժանի է, որ Սուրխաթի ա-
նուանափոխութենէն իբր 300 տարի առաջ Թէոդո-
սիա ևս փոխել է անունը և սկսել է կաւա-կաֆա
կոչուիլ: Աս երեք անուանց վերայ, այդ է Սուր-
խաթ, կաֆա, և Ղրիմ առանձին գլխով պիտի խօ-
սիմք, բացատրելով նոցա ծագումը կամ ստուգա-
բանութիւնը:

1. Ինչպէս Օլանէս Պոկտանովիչ 1579 ին: